

# COMUNU DE BIDDESATU

## PROVÌNTZIA DE SU SUD SARDIGNA

### DETERMINATZIONE DE SU RESPONSÀBILE SERVÌTZIU ÀREA AMMINISTRATIVA E FINANTZIÀRIA

N. 404 de su 21-08-23

Reg. generale 467

CÒPIA

Ogetu: **COMUNIDADE ALLÒGIU PRO BETZOS, AMMISSIONE A TEMPUS INDETERMINADU N. 1 ASSISTIDU, DIMANDA PROT. N 5423 DE SU 09.08.2023**

#### SU RESPONSÀBILE DE SU SERVÌTZIU

##### BIDAS

- sa lege 8 onniasantu 2000 n. 328 “lege cuadru pro sa realizatzione de su sistema integradu de interventos e servìtzios sotziales”, chi previdet chi “a sa gestione e oferta de is servìtzios providint sugetos pùblicos puru, in calidade de sugetos ativos in sa progetatzione e in sa realizatzione cuntzertada de is interventos, organismos sena lucru de utilidade sotziale”;
- Sa L.R. de su 23 mese de idas 2005 n. 23 “sistema integradu de is servìtzios a sa persone. Abrogu de sa lege regionale n. 4 de su 1988”;

BIDU su Testu Ùnicu de is leges subra de s'ordinamentu de is entes locales aprovalu cun D. Lgs. 18.08.2000, n. 267 e prus che totu:

- s'art. 3 chi su Comunu est s'ente locale chi rapresentat sa comunidade pròpia, nde curat s'interessu e nde promovet s'isvilupu;
- s'art. 13 chi atribuit a su Comunu totu is funtziones amministrativas chi pertocant sa popolazione e su territòriu comunale, prus che totu, intre is àteros, a is setores orgànicos de is servìtzios a sa persone e a sa comunidade;
- S'art. 48 chi defìnit is cumpetèntzias de sa giunta comunale;

BIDU s'art. 2 de s'Istatutu comunale in base a custu s'atzione de s'Ente si depet ispirare a sa rimotzione de totu is impedimentos chi impedint s'efetivu isvilupu de sa persone umana e s'agualidade de is indivìduos;

##### TORRADAS A REMONARE:

- Sa deliberatzione de su Cussìgiu Comunale n. 23 de su 27.07.2000, integrada dae sa deliberatzione consiliare sutzessiva n. 26 de su 26.06.2001, chi at aprovalu su Regulamentu pro su funtzionamentu de s'istruutura “Comunidade allògiu - tzentru de agregatzione sotziale e pruntu interventu pro betzos”;
- S'autorizzatzione comunale prot. n°152 de su 11/01/2008, emitida dae su Responsàbile de su Servìtziu, cunforma a s'art. 40 de sa L.R. 23/2008, pro su funtzionamentu de s'istruutura sòtziu assistenziale de comunidade allògiu pro betzos articulada in n° 2 mòdulos funtzionales chi ant n° 16 postos letu cadaunu;

Cunsideradu chi , in s'istruutura in ogetu est disponibile 1 postu pro persones de sessu FEMINILE in n. 1 aposentu DÒPIU pro fèminas cun bagnu in comunu;

RETENTU duncas de ammittere s'intrada, a tempus indeterminadu, sa rechesta prot. 5423, a printziare dae sa die 09.08.2023

DE DONARE ATU CHI:

- s'intrada a tempus indeterminadu in s'istrutura, in aposentu DÒPlu, est subordinadu a su versamentu de sa cauzione relativa a su costu de is duas mensilidades, overas € 2.800,00 prus sa derrama mensile uguale a € 1.073,33, in prus de bullu de lege uguale a € 2,00 su primu mese e de € 1.400,00 pro is sighentes (in prus de bullu de lege uguale a € 2,00);
- cantu dèpidu est a càrrigu totale de su richiedente e de is suos familiares;
- ogni ispesa istraordinària, chi pertocat bìsitas mèdicas, achistu de meighinas, pagamentu de su ticket, ispesas ambulanza e cantu àteru non prevididu dae su Regulamentu disciplinante s'istrutura, est in totale càrrigu de sa persone assistida;

DONADU ATU chi su Comunu est proprietàriu de un'istrutura residenziale pro betzos autosufizientes;

CUMPROADA sa cumpetènzia de su Responsàbile de su Servìtziu “Amministrativu e Finanziàriu”, pro adotare sa presente determinatzione;

BIDOS:

- su decretu de su Sìndigu n. 12 de su 25.11.2021, relativu a sa nòmina de su Responsàbile de su Servìtziu Amministrativu e Finanziàriu de su Dott. Lussu Stefano;
- sa deliberatzione de Consìgiu Comunale n. 5 de su 24.03.2022 chi at aprovalu su DUP pro su triènniu 2022/2024 – esertìtziu 2022;
- sa deliberatzione de Consìgiu Comunale n. 10 de su 16.03.2023 chi at aprovalu su bilanzu de previsionu pro su triènniu 2023/2025 – esertìtziu finanziàriu 2023;
- sa deliberatzione de sa Giunta Comunale n. 31 de su 24.03.2022 chi at aprovalu su P.E.G. pro s'esertìtziu finanziàriu 2022-2024;
- is artt. 67 e 68 de s'Istatutu Comunale;
- su Regulamentu Comunale de contabilidade;
- su D.lgs. 33/2013 inerente su riòrdinu de sa disciplina chi pertocat is òbrigos de publicatzione, trasparènzia e difusione de informatziones e de is providimentos amministrativos dae parte de is amministratziones pùblicas;
- su D.Lgs.n.165 de su 30.03.2001, chi giughet sa disciplina normativa subra de su Pùblicu Impreu;
- su GDPR 2016/679 Regulamentu UE relativu a su tratamentu de is datos personales;

### **DETÈRMINAT**

DE DONARE ATU chi is premissas costituint parte integrante e sustanziale de su presente atu;

DE COLLOCARE, pro sa causale remonada in premissa, sa persone interessada in sa Comunità allògiu pro betzos sita in Bia de Torino s.n.c. in Biddesatu dae su 09.08.2023, cuende su nòmene pro resones de amparu de sa privadesa cunforma a su chi est istabilidu dae su D. Lgs. n. 196/2003 e de su Regulamentu UE n. 2016/679 relativu a s'amparu de is persones fisicas in contu de su tratamentu de is datos personales;

DE PUBLICARE sa presente determinatzione:

- in s'Albu Pretòriu in linia de s'Ente bìndighi dies de sighidu;
- in su giassu istituzionale de su Comunu, setzione “Amministratzione Trasparente -> Providimentos->Providimentos dirigenti amministrativos”, mediante s'insertada in s'elencu semestrale segundu s'art. 23, comma 1, de su D.Lgs. n. 33/2013.

Proposta istrutòria de su Responsàbile de su Protzedimentu

---

F.du Lusso Stefano

Adotat su presente providimentu amministrativu e trasmitet a s'Ufitziu de su responsàbile de su protzedimentu e a s'ufitziu ragioneria pro is acumprimentos de cumpetèntzia sighentes;

Su Responsàbile Servitziu Amm./Fin.  
F.du Dot. Lusso Stefano

---

**Reg. Pub. 754**

**TZERTIFICADU DE PUBLICATZIONE**

Si tzertificat chi sa presente determinatzione benit publicada a s'Albu Pretòriu in linia, cunforma a s'art. 32 de sa Lege 69/2009, in su giassu istituzionale de su Comunu de Biddesatu de su 21-08-23 15 dies consecutivas.

Su Responsàbile Servitziu Amm./Fin  
F.du Dot. Lusso Stefano

---

Còpia uguale a s'originale pro impreu  
amministrativu

Biddesatu, su 21-08-23

S'impiegadu incarrigadu

---

---